

為盜之理前事之失後事之師因附于武備之末
志士寇

舊志劇賊吳平四都人為人短小精悍有智略為兇
與群兒牧即部署諸將號令皆如法群兒已畏服之
往往多奇異已為人家奴厭之去為盜盜掠其主人
德主人翁嘗遇之其主母嘗苦平平令賊以壺水繫
其兩乳令裸身磨米身動則壺水搖以此為樂平既
為盜不肯居人下先後巨賊如許朝光林道乾等一
本等皆驍勇膽力過人然必推平亦儼然居群賊
上威南塘號名將猶憚平平所設首與相當號為

勁敵此其英雄必有大過人者平敗遁南灣料大帥
且追之與其徒百餘人駕小舟遁去舟用短橈如今
俗名盤脚橈百人齊盪舟小力疾雖於泥淺水其行
如飛平竟以此得脫或言林道乾後王東南海島中
平亦變姓名浪遊江湖間皆不可知然往有人親見
平鮮衣怒馬在京浙間為富商大賈平已炙其面而
皆灸瘡人無有識者後平以乘肩輿過故反處掘取
金銀諸寶物後不知所之

舊志徭人

漳邑深山中皆
有之俗呼畚容

桂海虞衡志徭本盤瓠之後范曄後漢書盤瓠帝嘗